



Aðildarfélag KSÍ  
b.t. formanna/framkvæmdastjóra

Reykjavík, 16. febrúar 2024

Reglugerð KSÍ um aga- og úrskurðarmál  
Málskotsnefnd, kærufrestir og leikbönn

Ágætu félagar.

Á fundi stjórnar KSÍ þann 14. febrúar sl. voru samþykktar breytingar á reglugerð KSÍ um aga- og úrskurðarmál. Um ræðir breytingar er varða heimildir málskotsnefndar til að beina tilteknum tegundum mála til úrskurðar hjá aga- og úrskurðarnefnd KSÍ. Annars vegar er átt við mál vegna atvika í knattspyrnuleikjum sem dómari og aðstoðarmenn hans sáu ekki í leik og brugðust því ekki við. Hins vegar eru það mál vegna atvika sem að mati málskotsnefndar eru til þess fallin að skaða ímynd knattspyrnunnar eða þeirra sem þátt taka í leiknum.

Breytingar sem samþykktar voru á fundi stjórnar KSÍ 14. febrúar sl. snúa einnig að breyttum reglum er varðar frest til að kæra mál til aga- og úrskurðarnefndar KSÍ og samræmingu á reglum sem gilda m.a. um þjálfara sem taka út leikbann.

Eftirfarandi er yfirlit yfir breytingar á texta í reglugerðum:

Það sem samþykkt hefur verið að falli inn í reglugerð er **rauðmerkt**.  
Það sem samþykkt hefur verið að fella út úr reglugerð er ~~yfirstríkað~~.

## REGLUGERÐ KSÍ um aga- og úrskurðarmál

4. gr.

*Almennar málsmeðferðarreglur*

4.4. Sóknaraðili að máli getur verið einstaklingur og/eða félag, sem misgert er við og hefur hagsmuni af meintu broti. Auk þess getur stjórn KSÍ, ~~eða framkvæmdastjóri KSÍ~~ **eða málskotsnefnd KSÍ** á grundvelli sérstakra heimilda vísað einstökum agamálum eða lagt fram kæru til aga- og úrskurðarnefndar KSÍ. Varnaraðili getur verið stjórn KSÍ, aðildarfélag KSÍ, forráðamaður, leikmaður, þjálfari, starfsmaður, umboðsmaður í knattspyrnu og aðrir þeir, sem eru innan vébanda aðildarfélaga Knattspyrnusambands Íslands vegna brota þeirra á lögum KSÍ, reglugerðum KSÍ og öðrum reglum.

5. gr.

*Málskotsnefnd KSÍ*

5.1 **Málskotsnefnd KSÍ hefur eftirlit með knattspyrnuleikjum sem fram fara á Íslandi og getur á grundvelli sérstakra heimilda skotið málum til aga- og úrskurðarnefndar í aga- og/eða kærumálum. Aga- og úrskurðarnefnd KSÍ ber að úrskurða í máli frá málskotsnefnd svo fljótt sem verða má.**

5.2 **Málskotsnefnd skal skipuð þremur fulltrúm og þremur til vara, þar af einn sem formaður. Að minnsta kosti einn fulltrúi málskotsnefndar skal vera reynslumikill fyrirverandi**

- knattspyrnudómari og annar til vara. Að minnsta kosti einn fulltrúi málskotsnefndarinnar skal vera löglærður og annar til vara. Málskotsnefnd er skipuð af stjórn KSÍ.
- 5.3 Um hæfi þeirra sem skipuð eru í málskotsnefnd KSÍ skal farið eftir hæfisreglum stjórnsýslulaga. Fulltrúar í málskotsnefnd skulu hvorki vera í launuðu starfi né sitja í stjórnnum eða ráðum aðildarfélagi og/eða knattspyrnusambandsins.

6. gr.  
*Agamál*

- 6.2. Jafnframt úrskurðar nefndin um önnur mál sem framkvæmdastjóri málskotsnefnd KSÍ eða aðrir, sem til þess hafa heimild, beina til nefndarinnar eða nefndin telur ástæðu til að hafa afskipti af vegna knattspyrnuleikja sem fram fara á Íslandi enda fjalli ekki aðrir um þau.
- 6.3. Nefndin getur úrskurðað um alvarleg agabrot sem dómari og aðstoðarmenn hans sáu ekki í leik og brugðust því ekki við. Í slíkum tilfellum hefur máli verið skotið til nefndarinnar af málskotsnefnd KSÍ vegna meints alvarlegs agabrots, og í kjölfar þess óskar nefndin eftir athugasemdum viðkomandi aðila ásamt öðrum gögnum ef við á. Málskoti vegna alvarlegs agabrots skal beina til aga- og úrskurðarnefndar innan 5 daga frá því meint alvarlegt agabrot bar við og skulu almennir frídagar ekki taldir þar með.
- 6.5. Skýrsla dómara og/eða eftirlitsmanns skal lögð til grundvallar niðurstöðu í agamálum. Ef vafi leikur á atvikumalýsingu er aga- og úrskurðarnefnd m.a. heimilt að styðjast við myndbandsupptökur við ákvörðun viðurlaga vegna agabroti.

8. gr.  
*Frestir*

- 8.1. Kæur vegna knattspyrnuleikja sem fram fara á Íslandi kærumála skulu berast aga- og úrskurðarnefnd KSÍ innan 48 klukkustunda 5 daga frá því að atvik það, sem kært er bar við og skulu almennir frídagar ekki taldir þar með. Berist kærán eftir að tímamörk eru liðin vísar nefndin kærinni frá.
- 8.2. Þrátt fyrir grein 8.1. skulu kæur berast til aga- og úrskurðarnefndar sem hér segir:
- 8.2.1 Vegna meintra brota á lögum- og/eða reglugerðum KSÍ, öðrum en þeim sem geta varðað ógildingu leiks, endurtekningu hans eða breytingu á úrslitum leiks, skulu kæur berast aga- og úrskurðarnefnd innan 5 daga frá því atvik það sem kært er bar við.
- 8.2.2 Vegna niðurstöðu ágreinings- og/eða kærumáls hjá öðrum dómstigum KSÍ skulu kæur berast aga- og úrskurðarnefnd innan 1 árs frá því að niðurstaða ágreinings- og/eða kærumáls var kveðin upp.
- 8.2.3 Vegna meintrar lyfjamisnotkunar, óheimillar veðmálastarfsemi, hagræðingu úrslita og/eða félagaskipta leikmanna yngri en 18 ára, skulu kæur berast aga- og úrskurðarnefnd innan 10 ára frá því atvik það sem kært er bar við.
- 8.2. Ef skýrsla dómara og/eða eftirlitsmanns berst ekki til aga- og úrskurðarnefndar innan 3 daga eftir að leikurinn fór fram, er nefndinni heimilt að úrskurða um viðurlög án þess að skýrsla dómara og/eða eftirlitsmanns liggi fyrir.
- 8.3. Sé kærumáli vísað frá vegna formgalla hefur kærandi þriggja daga frest til að leggja fram nýja og bættá kærú til nefndarinnar. Frestur telst byrja að líða þegar frávísun berst kæranda og almennir frídagar skulu ekki taldir með.

13. gr.  
*Viðurlög við agabrotum*

- 13.7. Þjálfari, starfsmaður eða forystumaður sem tekur út leikbann og mætir á leikstað skal vera meðal áhorfenda frá og með einni klukkustund fyrir leik. Á meðan leik stendur og eftir leik er viðkomandi þjálfara, starfsmanni eða forystumanni; og þar til dómari hefur flautað til leiksloka. Á því tímabili má viðkomandi ekki

- a) óheimilt að vera á leikvellingum, boðvangi, í búningsherbergjum eða annars staðar þar sem hann getur verið í tengslum við lið sitt,
- b) óheimilt að vera í samskiptum við eða hafa samband við einstaklinga tengdum leik, sér í lagi leikmenn og starfsfólk liðsins á meðan leik stendur, og
- c) óheimilt taka þátt í blaðamannafundi eftir leik eða hvers konar fjölmiðlastarfsemi á leikvangi í tengslum við leik þann sem þjálfari tekur út leikbann.

Ef leikmaður, sem jafnframt er þjálfari annars liðs, er úrskurðaður í leikbann, er honum heimilt að stjórna liði sínu á því tímabili, sem hann tekur út leikbann sem leikmaður.

- 13.8. Ef leikmaður, sem jafnframt er þjálfari liðsins, er úrskurðaður í leikbann, er honum óheimilt að stjórna liðinu í þeim leikjum sem hann tekur út leikbann í. **Ef leikmaður, sem jafnframt er þjálfari annars liðs, er úrskurðaður í leikbann, er honum heimilt að stjórna liði sínu á því tímabili, sem hann tekur út leikbann sem leikmaður.**
- 13.9. Til viðbótar fyrrnefndum viðurlögum getur aga- og úrskurðarnefnd beitt eftirfarandi refsingum:
- a) Brot samkvæmt ákvæðum 13. gr. geta varðað sektum allt að fjárhæð kr. 200.000 í meistaraflokki og kr. 50.000 í öðrum aldursflokkum. Sama gildir ef þessir aðilar verða uppvísir að óþrúðmannlegri framkomu.
  - b) Aðildarfélag sem fær sjö eða fleiri refsistig í sama leiknum, þar sem áminning er 1 refsistig og brottvísun 4 refsistig, skal sektað um kr. 4.000 í leikjum í meistaraflokki fyrir hvert refsistig umfram 6, en kr. 2.000 fyrir leiki í öðrum flokkum.
  - c) Aðildarfélag sem yfirgefur leikvöll í mótmælaskyni eða neitar að halda áfram leik má refsa með brottrekstri úr keppni, stigatapi, leikbanni á öllum leikmönnum liðsins og/eða sekta um allt að kr. 250.000.
  - d) Ef forystumaður aðildarfélags, sem ekki er á leikskýrslu eða áhorfandi gerast sekir um vítaverða eða hættulega framkomu gagnvart leikmönnum, dómurum, þjálfurum eða öðrum er heimilt að sekta viðkomandi aðildarfélag um allt að kr. 200.000. Ef brot telst alvarlegt eða um ítrekun er að ræða er auk þess heimilt að setja viðkomandi lið í heimaleikjabann, þar til öryggi leikmanna, þjálfara og annarra telst tryggt.
  - e) Brot skv. tilkynningu framkvæmdastjóra **málskotsnefndar** KSÍ sbr. 21. grein hefur í för með sér refsingu eftir eðli brotsins, sekt að fjárhæð kr. 200.000 en þó ekki lægri en kr. 50.000 og/eða leikbann í tiltekinn fjölda leikja eða tímabundið.
  - f) Aðrar refsingar sem lög og reglugerðir KSÍ tiltaka og heimila.

21. gr.  
*Ósæmileg framkoma*

- 21.1. ~~Framkvæmdastjóra~~ **Málskotsnefnd** KSÍ er heimilt að vísa til aga- og úrskurðarnefndar atvikum sem skaðað geta ímynd knattspyrnunnar eða þeirra sem þátt taka í leiknum. Slík atvik hafa þá ekki komið fram í atvikaskýrslum dómara og/eða eftirlitsmanns á leiknum en geta verið hvers kyns ósæmileg framkoma á leikstað eða á annan hátt opinberlega.
- 21.2. ~~Framkvæmdastjóri~~ **Málskotsnefnd** KSÍ skal skila greinargerð til nefndarinnar ásamt gögnum máli sínu til stuðnings og skal fara með slík mál eins og um kærumál sé að ræða, eins og við getur átt.

---

**Greinargerð:**

Um ræðir breytingar unnar af laga- og leikreglanefnd KSÍ. Ný og breytt ákvæði miða að því að ný málskotsnefnd KSÍ, sem skipuð skal af stjórn KSÍ hverju sinni (fyrir upphaf hvers keppnistímabils), hafi það hlutverk að beina til aga- og úrskurðarnefndar málum vegna atvika í knattspyrnuleikjum sem dómari og aðstoðarmenn hans sáu ekki í leik og brugðust því ekki við. Reglulega hafa komið mál af þessum toga inn á borð aga- og úrskurðarnefndar og hefur heimild til slíks málskots verið í höndum framkvæmdastjóra KSÍ. Nú verður sú heimild í höndum málskotsnefndar KSÍ. Það skal ítrekað að áfram er það meginforsenda þess að aga- og úrskurðarnefnd getið úrskurðað í þessari tegund mála, að fyrir liggja að meint atvik hafi farið framhjá dómarateymi leiksins og að dómarar hafi á engan hátt tekið afstöðu vegna meints atvik. Sömuleiðis er það skýr forsenda skv. ákvæðinu að um sé að ræða alvarlegt

agabrot. Um er að ræða undanþágu frá þeirri meginreglu að aga- og úrskurðarnefnd úrskurði um þau atriði, sem fram koma í atvikaskýrslum dómara og/eða eftirlitsmanna KSÍ í leikjum í Íslandsmóti, bikarkeppni, bikarkeppni neðri deilda, Meistarakeppni svo og innanhússmótum KSÍ.

Breytingar miða einnig að því að málskotsnefnd KSÍ hafi heimild, sem áður var í höndum framkvæmdastjóra KSÍ, til að vísa málum til aga- og úrskurðarnefndar vegna atvika sem að mati málskotanefndar eru til þess fallin að skaða ímynd knattspyrnunnar eða þeirra sem þátt taka í leiknum. Er um að ræða atvik sem hafa þá ekki komið fram í atvikaskýrslum dómara og/eða eftirlitsmanns á leiknum en geta verið hvers kyns ósæmileg framkoma á leikstað eða á annan hátt opinberlega.

Einnig hafa verið samþykktar breytingar á reglum sem gilda um þjálfara, starfsmann eða forystumanns sem tekur út leikbann. Hefur reglugerð KSÍ um aga- og úrskurðarmál verið samræmd agareglugerð FIFA (FIFA Disciplinary Code). Er breyting þessi einnig gerð í kjölfar dóms áfrýjunardómstóls í [máli nr. 6/2023](#). Reglur miða nú við það að starfsfólki liðs, þ.á.m. þjálfara sem tekur út leikbann, er óheimilt að vera í samskiptum við eða hafa samband við einstaklinga tengdum leik, sér í lagi leikmenn og starfsfólk liðsins á meðan leik stendur. Jafnframt er þjálfara liðs óheimilt að taka þátt í blaðamannafundi eftir leik eða hvers konar fjölmiðlastarfsemi á leikvangi í tengslum við leik sem þjálfari tekur út leikbann í.

Loks miða breytingar, sem samþykktar voru á fundi stjórnar KSÍ 14. febrúar sl., að breyttum og misjöfnum fresti til að kæra mál til aga- og úrskurðarnefndar KSÍ. Nánar tiltekið, þá er frestur til að kæra mál til aga- og úrskurðarnefndar misjafn eftir tegund máls. Frestur til að kæra mál til aga- og úrskurðarnefndar er nú skilgreindur á eftirfarandi máta:

- Kæru vegna knattspyrnuleikja sem fram fara á Íslandi skulu berast aga- og úrskurðarnefnd KSÍ innan **48 klukkustunda**.
- Vegna meintrar brota á lögum- og/eða reglugerðum KSÍ, öðrum en þeim sem geta varðað ógildingu leiks, endurtekningu hans eða breytingu á úrslitum leiks, skulu kæru berast aga- og úrskurðarnefnd **innan 5 daga** frá því atvik það sem kært er bar við.
- Vegna niðurstöðu ágreinings- og/eða kærumáls hjá öðrum dómstigum KSÍ skulu kæru berast aga- og úrskurðarnefnd **innan 1 árs** frá því að niðurstaða ágreinings- og/eða kærumáls var kveðin upp.
- Vegna meintrar lyfjamisnotkunar, óheimillar veðmálstarfsemi, hagræðingu úrslita og/eða félagaskipta leikmanna yngri en 18 ára, skulu kæru berast aga- og úrskurðarnefnd **innan 10 ára** frá því atvik það sem kært er bar við.

---

Ef frekari upplýsinga er óskað þá vinsamlegast hafið samband við undirritaðan.

Haukur Hinriksson

Haukur Hinriksson,  
yfirlögfræðingur hjá KSÍ